

Post, bestiis variis obiecta, neque ab iis ullo modo violata, demum a tauro necata, martyrii præclari palmam tulit. Prudenti, sancti Vigili Episcopi, & martyris. Is ciuis Romanus, Athenis liberalium artium disciplinis, sacrisq; litteris eruditus, Tridētinorum Episcopus factus, admiranda constantia illis Euangelium **I E S V C H R I S T I** prædicauit: cuius nomine multis editis miraculis, eius diuinitatem palam docuit: contra hæreticos pie, & docte scripsit; nefarium Saturni cultum, qui in valle quadam, ad Sarcham fluuium sita, celebris erat, dum euertere contendit, ab illius loci in colis, barbaris hominibus, lapidibus obrutus est. Qua martirii, & aliarum rerum, sancte gestarum, laude clarus, migravit ad dominum. Hoc etiam die, sanctæ Marcellæ viduæ: quæ contemptis opibus, ac nobilitate spreta, postq; viri obitum, recusatis alterius nuptiis, paupertatem, humilitatem, castitatem, sacrarum litterarum studium, precum assiduitatem, ceterasq; Christianæ pietatis exercitationes ita amplexa est, vt beati Hieronymi litteris commendata sit illius uita, sanctissime acta. Mediolani, sancti Iulii confessoris. Hic, in Græcia natus, ab in- eūte ætate, Christianæ religioni deditus, Romam peregrinatus, diu ad aquas Saluias fuit; inde in Liguriam venit. qua in peregrinatione id maxime egit, quod sibi de ædificandis Ecclesiis propositum, ab Theodosio Imperatore impetrarat, vt sibi liceret, in omnibus Imperii Romani prouinciis, ædes sacras Deo cōstruere, dirutis idolorum templis. Ea pietatis laude, vitæq; sanctitate, miraculis comprobata, obdormiuit in domino. Eboraci in Britannia, sancti Gandi Episcopi, & confessoris. Venetiis, Translatio sancti Marci Euāgelistæ, quæ, Valentino Pontifice, facta est.

*Calendas Februarij.*

*Luna.*

10 21 2 15 24 5 16 27 8 19 30 11 22 3 14 25 6 17 28  
 A b c d e f g h i k l m n o p q r s t

**R**omæ, sancti Ignatii Episcopi, & martyris. Hic Antiochenæ ec-  
 clesie tertius post beatum Petrum Apostolum Episcopus,  
 Traiano Dei oppugnante, Romam vinctus ducitur: vbi primum in-  
 auditis

FEBRUARIUS.

auditis cruciamentis tortus, postremo leonibus rugientibus, Senatu spectate, obiectus, hostia CHRISTI domini efficitur, Smyrne sancti Pionii, & quindecim sociorum martyrum. Is carceris, vbi multos ad martyrium confirmavit, situ, & squallore pene confectus, variis tormentis cruciatus, & clavis cōfixus, in igne deniq; positus, pro CHRISTI gloria id suppliciū, Antonino Imperatore, fortiter subiens, migravit in cælum. In Phrygia, sancti Triphonis martyr: qui Christianæ religionis cultor egregius, Decio Imperatore, Aquilini præfecti iussu comprehensus, Nicæam perducitur: vbi summa hyeme per difficiles ancipitesq; locos raptatus; deinde humi præfixis clavis volutatus; post accensis facibus semiustulatus; demum securi percussus, nobili martyrio coronatus est. Eodē die, sanctorū martyrum, Victorini, Victoris, Nicephori, Claudii, Diodori, Serapionis, & Papiæ. Ii ciues corinthii, Christianæ religionis accusati, varie necati, cælesti præmio perfruuntur. Victorinus, oculo dextro eruto, præcisus manibus, & pedibus, in pila marmorea contusus, animā Deo reddidit. Victor, abscissa lingua, idem supplicii genus inuictō animi robore subiens, migravit in cælum. Nicephorus primo ita pedibus pressus est, vt e naribus sanguis eruperit; post capillis suspensus, tū in mortario demū pilo confractus, abiit ad dominū. Claudius autē, manibus pedibusq; abscissis, in ignē cōiectus; Diodorus, igni coctus; Serapio, sublimibus pedibus pendens, capite multatus; Papias, saxo alligatus, in mare proiectus; ita nobilis martyrii coronā omnes acceperūt. Ra uennæ, sancti Seueri Episcopi, & confessoris. Hic homo plebeius, lanificio sibi familiæq; suæ victum quæritās, quo tempore ea in vrbe, Marcellino mortuo, de Episcopo eligēdo agebatur, Episcopus diuinitus declaratus est, columba ad aures eius conuolāte: quæ ab se primū repulsa, iterū in illius capite consedit. Sic igitur Episcopatū adeptus, e lanario mirabiliter summus factus Theologus, in cōcilio Sardicēsi cōtra Arianos, p̄ Athanasio, singulari virtute pugnavit: aliasq; multas res admirabiliter Dei munere gessit. quarum rerū, & vitæ sanctissimæ laude, virtutumq; episcopaliū meritis cumulatus, senio tandem confectus, cum de certo die, quo esset ex corpore in cælum migraturus, diuinitus certior factus esset, peractis de more sacris, cōuocatisq; omnibus sacerdotibus, & vniuersis Rauennatibus, grauissime de cæleste

de cælesti gloria concionatus, vbi finem fecit, vestibus sacris adhuc indutus, ad sepulcrum proficiscitur: vbi flexis genibus, & manibus, oculisque in cælum subductis, tamquam preces suppliciter fundens, obdormiuit in domino. Rothomagi, sancti Seueri item Episcopi, & confessoris. Hoc etiam die, sanctorum Episcoporum, & martyrum, Eugenii, Vindemialis, & Longini: quorum, in persecutione Vandalica, pro fidei studio susceptæ dimicationes; in grege tuendo episcopales virtutes; in cruciatibus perferendis cōstantia, martyrio etiam suscepto, nobilitata; aliæq; res diuinitus, & mirabiliter gestæ, monumentis consignatæ, leguntur. In Scotia, sanctæ Brigidæ virginis: quæ apud Episcopum cum virginitatem profiteretur, lignum altaris tetigit: quod statim viride factum, argumento fuit eius sanctitatis, & virginalis castitatis. In Oppido Tricassino, sancti Pauli Episcopi, & confessoris; cuius vita sanctitatis virtutibus, & mors pretiosa, miraculis commendatur. Augustæ, sancti Vrsi Episcopi, & cōfessoris. Metis, sancti Sigeberti regis, & confessoris: qui tum aliis multis admiranda pietatis officiis, tum hoc etiam illustris extitit, quod monasteria viginti exædificauit.

*Quarto nonas Februarij.*

*Luna.*

E.

11 22 3 14 25 6 17 28 9 20 1 12 23 4 15 26 7 18 29  
A b c d e f g h i k l m n o p q r f t

**P**urificatio *Beatæ Mariæ Virginis*. Sancti Cornelii Centurio-  
nis; qui a beato Petro Apostolo baptizatus, mortuo zachæo,  
episcopali illius ciuitatis dignitate ornatus, munere eo ex euāgelii  
lege administrato; sanctitate clarus, qui euit in domino. Romæ, sancti  
Lauteliani martyris: q, Decio Imperatore, passus est: eius corpus  
in cæmyterio Calixti sepultum, inde multis post annis Papiam trās-  
latum, religiose colitur. Romæ item, via Salaria, sancti Apronianī  
martyris. Hic, a fide auersus, cum eam vocem cælitus emissam, audif-  
set, Venite benedicti, & reliqua, tunc Christianā fidem amplexus, a  
Sisinnio diacono, quem ad Laodicium p̄fectum paulo ante ī iudiciū  
adduxerat

*FEBRUARIUS.*

adduxerat baptizatus, & a Marcello Pontifice sacro Chrysmate confirmatus, in CHRISTI confessione, Maximiano Imperatore, martyrium subiit. Romæ præterea, sanctorum martyrum, Fortunati, Firmi, Candidi, & Aurelii. Eodem die, ea ipsa in urbe sanctorum triginta millium martyrum, qui, in persecutione Diocletiniana, coronati sunt. In foro Sempronii, sanctorum, Laurentii, & Hyppoliti. Cæsareæ in Cappadocia, sancti Firmiliani Episcopi, & confessoris: cuius res diuine gestæ narrantur. Herbipoli, sancti Burcardi Episcopi, & confessoris: a quo primum ea ciuitas, CHRISTI IESU sacris imbuta est, atque instituta. In Aurelianis, sancti Flosculi Episcopi, & confessoris. Cantuariæ, in Britania, sancti Laurentii Archiepiscopi, qui beato Augustino, eiusdem ecclesiæ præfuit, successit. Hoc ipso die, sanctæ Siharie uirginis.

F.

*Tertio nonas Februarij.*

*Luna.*

xix.

12	23	4	15	26	7	18	29	10	21	2	13	24	5	16	27	8	19	1
A	b	c	d	e	f	g	h	i	k	l	m	n	o	p	q	r	s	t

**3** Sancti Blasii, Episcopi, & martyris. Hic Sebastæ in Cappadocia, Diocletiano Imperatore, Agricolai præfecti iussu in carcerem detrusus, in summa fidei constantia, primo verberibus cæsus, post ferreis pectinibus dilaniatus, postremo securi percussus, præclarum Christianæ religionis testimonium dedit, duobus item vna secum pueris contrucidatis. Mulieres præterea septem, quæ eius martyris sanguinem collegerant, teterrimis excruciatæ tormentis, præclaro certamine nobiles, martyrii palmam tulerunt. In Africa, sanctorum martyrum, Celerini diaconi, Celerinæ eius auicæ, Laurentini patris, & Ignatii auunculi. Primo Celerinus Romæ, post beati Fabiani Pontificis martyrium, in summo persecutionis impetu vnâ cum Moysæ, Maximo, Nicostrato, Rufino, Urbano, & Sidonio, in custodiam inclusus, præter ceteros omnia tormentorum genera constantissime superauit. post, remissa paululum persecutione, in Africam venit: vbi, diuino admonitu, Lector, deinde diaconus factus, excitata vehementius Deciana contra ecclesiam oppugnatione, cum illius principe, & auctore

auctore congressus; dum inexpugnabili firmitate certaminis sui  
 aduersarium vincit, vincendi ceteris viam facit; non breui com-  
 pendio vulnerum victor, sed adhærentibus diu, & permanentibus  
 pœnis longæ colluctationis miraculo triumphator, à Domino ac-  
 cepit cælestis gloriæ coronam. Huic auia Celerina honore con-  
 simili diuinæ dignationis æquatur. Patruus præterea eius, & auun-  
 culus, Laurentinus, & Ignatius, in castris ipsi quondam sæcula-  
 ribus militantes, sed veri spiritualesque Dei milites, dum Sata-  
 nam CHRISTI confessione prosternunt, palmas à Domino il-  
 lustri passione meruerunt. Cesareæ, sanctorum, Adriani, & Euboli,  
 martyrum. In fidei tuendæ studio incensi, Christianis, qui in vinculis  
 essent, animum addere; alios, à nostra religione alienos, ad Dei cul-  
 tum cohortari non desinebant. quam ob causam eos comprehensos  
 Firmilianus præfectus, primùm verberibus cædi, post, semiustulari,  
 tum leonibus oblici iubet. Sed ab inferenda sanctis iniuria feræ tan-  
 tum abfuerunt, vt, flexis etiam poplitibus, pedes eorum lamberent.  
 itaque iratior ille factus, martyres capite mulctauit. Hamburgi, san-  
 cti Ansgarii Episcopi, & confessoris. Hic Hamburgensis primus Ar-  
 chiepiscopus, ad populos omnes, qui in septentrionem pertinent, san-  
 ctæ Romanæ sedis legatus, procurandæ omnium saluti, propagan-  
 dæq; religioni totus deditus, Suetiæ, & aliis prouinciis verbum Dei  
 prædicauit: Episcopos, ac reges illius regionis, & litteris, & coram,  
 officii sui libere monuit. Sic multis laboribus pro ecclesia Dei per-  
 functus sanctissime quieuit in domino. Traiecti, sancti Remacli Epi-  
 scopi, & confessoris: cuius res admirandæ commemorantur, magna  
 eum illius sanctitatis testificatione. Lugduni, sanctorum, Lupicini  
 Episcopi, & Felicis itidem, & Celerini, martyrum. Viennæ, sancti  
 Euentii Episcopi, & confessoris. In Belgis, sanctarum virginum, Ber-  
 lendis, None, & Celse. Ad oppidum Vapincum, sanctorum Episco-  
 porum, Tigidis, & Remodii. Ad oppidum Viferum, sancti Hadelini  
 confessoris, religiosæ uitæ, & rerum diuine, admirabiliterq; gestarum  
 laude celebris. Ad Montes in Hannonia, Translatio sanctæ Vualde-  
 trudis viduæ: cuius dies festus agitur quinto idus Aprilis.

FEBRUARIUS.

G.  
viii.

*Pridie nonas Februarij.*

*Luna.*

13 24 5 16 27 8 19 1 11 22 3 14 25 6 17 28 9 20 1  
A b c d e f g h i k l m n o p q r s t

4 **R**omæ, in foro Sempronii, Sanctorum martyrum, Aquilini, Gemini, Gelasii, Magni, Donati, Hippolyti, & Bostreni, qui, Aureliano Imperatore, coronati sunt. Hierosolymæ, Sancti Simeonis prophætæ. is triduo post, quam puerum Iesum brachiis excepit, in pace quieuit. Romæ item, Sanctæ Veronicæ; quæ ad eam urbem Hierosolyma sudarium Domini attulit. Attaliæ, in Pamphilia, sanctorum martyrum, Papiæ, Diodori, & Claudiani. Hi pastores, CHRISTI fidem passim promulgando, multos ad religionis christianæ cultum perduxerunt. quo nomine ad Publium præfectum, Decio Imperatore, delati, nullis minitationibus deterriti, palam liberaque uoce se christianos esse confessi, ostenderunt, unum esse uerum Deum, qui cælum, terram; quæque coeli, ac terræ ambitu continentur, effecit. qua libera fidei confessione præfectus commotus, cum eos in fidei proposito constantes omni excruciaffet supplicio, demum securi percuti iussit. Quorû corpora a fidelibus religiose sepulta sunt. In Perside, Sancti Abramii Episcopi, & martyris: qui, Saporio, Persarum Rege, diis immolare iussus, cum hoc præcise negasset, multis ac uariis affectus suppliciiis, deniq; abscisso capite, coronatur. Thæmne, in Aegypto, sancti Phileæ Episcopi, & Philoromi Tribuni, martyrum: quibuscum innumerabilis Christianorum multitudo, Maximo Imperatore, constanter suscepto, pro Christi laude, certamine; uarie contrucidata, coronatur. Pelusii, sancti Isidori confessoris. Hic patris parentibus natus, Cyrilli, Alexandrinæ ecclesiæ episcopi, necessarius, domesticis externisq; disciplinis ualde eruditus, piæ religionis studio spretis contemptisq; humanis rebus, in montem se abdidit: ubi, suscepta monachalis uitæ ratione, omne tempus modo in sanctis precibus, modo in sacris libris commentandis, modò in Epistolis scribendis consumpsit. Quo epistolarum genere, cum eas pene infinitas exararit, non priuatis solum, sed magistratibus, præfectis, & Episcopis mirifice profuit. Sic uita sanctissime acta, & multis  
Dei

Dei op̄e mirabiliter gestis, obdormiuit in Domino. Eodem die, Sanctæ Victoriae uiduæ: quæ in persecutione Vandalica, pro catholica fide fortiter pugnans, una cum aliis necata, uidualem coronam martyrii palma cumulauit. Trevis, Sancti Auentini confessoris, miraculis, & charitatis laude clari. In Anglia, sancti Liephardi Episcopi & martyris: qui Romam uoti causa peregrinatus, inde ad suam ecclesiam rediens, a nefariis hominibus impie occisus, anniuersario die in Cameracensi ecclesia colitur. Hoc ipso die, sancti Gilberti confessoris, qui Gemlacense monasterium ædificauit. Bremae, sancti Rêberti Episcopi, & confessoris. Hic beati Anscharii, eiusdē urbis Episcopi discipulus, primo monachus, deinde Episcopus, pie in omni uita ita se gessit, ut admirandis in rebus perspecta eius sanctimonia, adscriptus sit in numero sanctorum. Brixiae, Sancti Obitii confessoris, ad cuius sepulchrum multa miracula Dei munere edita sunt.

*Notis Februarij. Luna.*

A.

14 15 16 17 28 9 20 12 23 4 15 26 7 18 19 10 21 3

A b c d e f g h i k l m n o p q r s

**C**Atanæ in Sicilia, sanctæ Agathæ uirginis, & martyris; quæ in ea insula nobili loco nata, Decio Imperatore, Quintiani prætoris iussu, a lapis cæsa, candentibus laminis adusta, equuleo tora, demum abscissa mamilla, cū in CHRISTI sponsi fide constantior esset, in acutis testulis, candentibusq; carbonibus uolutata, Deū precando, abiit in cælum. Alexadriæ, sancti Isidori martyris. Hic, in eadem Deciana persecutione christianæ religionis à Julio Centurione accusatus, cum ab Numerio, copiarum duce, ad quem in iudiciū perductus est, nullis neque uerborum blanditiis, neque teterrimis minis a fidei tuendæ constantia abduci potuisset; illius iussu capite mulctatus, coronatur. Viennæ in Gallia, Sancti Auiti Episcopi, & confessoris: cuius fide, & admirabili doctrina ab Ariana hæresi puincia illa oīs defensa est. Brixiae, Sanctorū Cōfessorū, Ingenuini, & Albini: hic Brixiesis, ille Sabionesis, secundus Episcopus fuit, cuius corpus multis post annis à Cōstantino eius successore ad eā urbē trāslatum

est. Vtriusque uita illustris est, multis rebus diuine, mirabiliterque gestis. Gandau, in Blandinio monasterio, sancti Bertulfi confessoris. Hic erga Deum, & proximum charitatis ardore accensus, in oratione frequens, in uigiliis assiduus, pauperum egestati subuenire, peregrinos hospitio excipere, nudos uestire, omnibus uel consilio, uel consolatione, uel re prodesse studuit, sicque omni uirtute prælucens obdormiuit in Domino. Cuius etiam sanctitas declarata est miraculis permultis, ad eius sepulcrum diuinitus editis.

B.  
xvi.

*Octauo Idus Februarij. Luna.*

15 26 7 18 29 10 21 3 13 24 5 16 24 9 19 1 11 22 4  
A b c d e f g h i k l m n o p q r s t

6 **C**Aesareæ in Cappadocia, sanctæ Dorotheæ uirginis, & martyris. Hæc, Diocletiano Imperatore, Apricii, Cappadociæ præfecti, iusso, primum equuleo torta, deinde palmis diu cæsa, postremo capite plectitur. Cuius constanti confessione quidam Theophilus scholasticus, ad CHRISTI fidem conuersus, mox eodem equuleo cruciatus, tandem, præcisâ ceruicibus, martyrii coronam accepit. Cyzici in Mysia, sanctæ Faustæ uirginis, & martyris Eulasti, & Maximi, sociorum. Illa uirgo Cyzicena, Maximiano Imperatore, omnium rerum copia, mortuis parentibus, affluens, ætate florentissima, uirginalem uitam, spretis mundi blanditiis, atque opibus, perpetuo coluit, ieiuniis, uigiliis, precibus, assiduæ sacrorum librorum lectioni dedita, in pauperesque ualde admodum liberalis. Quibus auditis rebus, Imperator, Eulastium prætorem misit, qui uirgini idolorum cultum persuaderet. Sed is suadendo nihil profecit, immo perspectis miraculis, ab illa diuinitus editis, IESU CHRISTI fidem suscepit. itaque missus iterum Maximus prætor, qui Faustam uirginem, & Eulastium prætorem torqueret, Imperatoris mandatum diligenter executus, utrumque in lebetem æneum feruentem conici iubet. at cum martyres nullum ex teterrimo cruciatu incommodum sentire uidisset, eius rei admirabilitate commotus, CHRISTI fidem amplexus, se ultro in lebetem iniecit. Sicque uirgo Fausta, & illi duo demum



demum eo cruciamentò confecti, coronantur. Emissæ in Phœnicia, sanctorum martyrum, Siluani Episcopi, Lucae diaconi, & Mocii Lectoris. Ii, Numeriano Imperatore, cum CHRISTI IESU fidem palam prædicarent, ab idolorum cultoribus ad vrbs prætorem uincti perducuntur: quos ille, perspecta eorum cœlesti constantia, primum grauitè excruciatos, feris obiici iussit. quarum morsibus tam dem necari Deum sanctè precando, ad præmium abierunt in cœlū. Hoc ipso die, ibidem, Sancti Iuliani martyris. Hic ab adolescentia medicus, illud in adhibenda corporibus medicina spectabat, ut CHRISTI fidem docendo, animis salutare medicamentum afferret. Is autem cum illos, de quibus mox supradictum est, martyres è carcere in theatrum, ubi a bestiis conficerentur, uinculis adstrictos duci uideret, fidei ardore accensus, accurrit: sanctos osculatur, idq; supplex precatur, ut fortiter agerent. Quamobrem comprehensus, in speluncam includitur; ubi capite clauis confixo, & manibus, pedibusq; item, animam Deo reddidit. Alexandria, Sanctæ item Dorotheæ: quæ Maxentium, & Maximinum Imperatores, christianæ pudicitia, & fidei hostes fugiens, in solitudinem se abdidit: ubi in orationibus, & ieiuniis assidua, complures alias exemplo ad illud sanctissimæ uitæ genus adduxit. Romæ item, sanctorum martyrum, Saturnini, Theophili, & Reuocati. Sæctæ Soteris etiam uirginis; & martyris; quæ nobili genere nata maiorum consulatus, & præfecturas præ fidei studio contempfit. Immolare enim iussa palam & præcise negauit. Quam persecutor immanis palmis cædi præcepit, ut tenebra uirgo dolori cederet, aut pudori. at illa ubi audiuit hanc uocem, uultum aperuit, soli inuelata atque intacta martyrio, & uolens iniuriæ occurrit, uultum offerens, ut ibi martyrii fieret sacrificium, ubi solet esse tentamentum pudoris. Itaque uirgo ita fortis, ac patiens exitit, ut, cum teneras pœnæ offerret genas, prius carnifex cedendo deficeret, quam martyr iniuriæ cederet, non uultum inflexit, nõ ora conuertit: non gemitum, non lacrymam dedit. Denique cum cætera pœnarum genera uicisset, gladio percussa, coronatur. Aruernis, sancti Antholiani martyris; qui in ea urbe, pro CHRISTO sanguine profuso, illustre fidei testimonium dedit. Atrebatum sancti Vedasti Episcopi, & confessoris: qui ab sancto Remigio cõsecratus Episcopus,

FEBRUARIUS.

scopus, quadraginta annis Atrebatensiu ecclesie p̄fuit magna uita sanctitate. ad cuius merita declaranda ē celo columna, & edibus eius agrotantis illucescens, illius obitum p̄significauit. Traiecti, sancti Amandi Episcopi, & confessoris. Hic illustri genere in Aquitania natus, monasticæ uitæ disciplinam à puero amplexus, parentis rogatu ab ea amoueri nullo modo potuit. Sicque annis quindecim omni admirandæ abstinentiæ genere corpus macerauit. Religionis causa Romam peregrinatus, cœlesti admonitu in Galliam rediit, ubi multis locis fidem p̄dicauit, complures habuit discipulos, sanctitatis laude p̄stantes, & ab impietate innumerabiles ad christianæ religionis cultum perduxit; Sicq; in omni uita sanctissime uersatus, fideique causa multis laboribus pie perfunctus, quieuit in Domino. Traiecti item ad Mosam, eodem die, sanctorum omniu, eius ciuitatis Episcoporum Seruatii, Monulphi, Gondulphi, Martini, Valerini, Candidi, & reliquorum.

C. v. *Septimo Idus Februarij. Luna.*

16 27 8 19 30 11 22 4 14 25 6 17 28 9 20 2 12 13 4  
A b c d e f g h i k l m n o p q r s t

7 **A**ugustæ in Britannia, sancti Auguli Episcopi: qui uirtutibus p̄stans, cum ætatis cursum, Decio Imperatore, constati martyrii certamine confecisset, cœlesti p̄mio decoratus est. Ni comedie, Sanctorum trium millium martyrum. Hi serui cum dominos suos, cosq; principes uiros, ad fidem conuersos, Diocletiano Imperatore, pro CHRISTO martyrium constanter subiisse uiderent, eorum diuinam uirtutem imitati, adiunctis sibi filiis, & uxoribus, propinquisque omnibus, ueniunt in Diocletiani conspectum, unoq; ore, ac libera uoce Christianos se esse p̄fessi sunt: quos omnibus artibus frustra tentatos, ut de sententia deduceret, iussit omnes à militibus occidione occidi. In Phrygia, sancti Adauci martyris. Hic in Italia genere clarus, omni fere honorum gradu apud Diocletianum, & Maximianum Imperatores functus, p̄claris pietatis officii, & cōfessione christianæ fidei insigniter nobilitatus, tandem pro eius defensione, dum adhuc in quæsturæ munere uersaretur, certa-

men

men ingressus, illustri martyrio coronatus est. Hoc ipso die, sanctorum innumerabilium martyrum: quorum dux extitit ille uir pietate insignis, Adaucus, cuius in confessione CHRISTI constantiam omnis populus secutus, cum mulieribus uiri, cum pueris senes, cum ciuibus ciues, iniecto igne, comburuntur, ita ut nemo, etiam cum optio daretur, ex illa urbe abiret. Scytopoli in Aegypto, sancti Moisis Abbatis. Sancti item Moisetis Episcopi: qui primum monachus, uirtutum laude, & uitae sanctimonia nobilis, deinde Aegyptiorum factus Episcopus, eos magnam partem ad CHRISTI fidem conuertit: sicq; meritorum gloria cumulatus, abiit in coelum. Cominii ad Lisam, sancti Chrysolii Episcopi, & martyris. Hic, cum Quintino, Crispino, Piato, & aliis ab urbe Roma in Galliam euangelicæ prædicationis causa profectus, cum Tornaci, aliisque Belgarum locis fidem propagasset, ob eam causam, Diocletiano Imperatore, martyrium pertulit. Bononiæ, Sanctæ Iulianæ uiduæ, testimonio beati Ambrosii Episcopi illustris. Brixia, sancti Pauli Episcopi & confessoris.

*Sexto Idus Februarij.*

*Luna.*

D.

17 28 9 20 1 12 23 5 15 26 7 18 29 10 21 3 13 24 6  
A b c d e f g h i k l m n o p q r s t

**P**apia sancti Iuuentii Episcopi, & confessoris. Hic cum beato Syro ad eam urbem profectus, Ianuensibus, Derthonensibus, & Astensibus populis euangelii instituta, ac præcepta tradidit. Post, Papiæ creatus Episcopus, cum nouem, & triginta annos Episcopale munus pie, religioseq; gessisset, admirandæ sanctitatis officiis præclarus, obdormiuit in Domino. Alexandria in Aegypto, sanctæ Coynthæ uirginis & martyris: quæ idolorum cultum detestans, a paganis, Decio Imperatore, per urbem nexis pedibus raptata, teterrimo supplicio discerpta est. In Armenia minori, sanctorum martyrum, Dionysii, Aemyliani, & Sebastiani. Romæ, sanctorum martyrum, Pauli Episcopi, Lucii, & Cyriaci. Heracleæ in Ponto, sancti Theodori martyris. Hic, a falsorum deorum cultu auersus, cum eorum simulaera aurea, quæ Licinius Imperator Heracleam asportarat, cominuisset, & pauperibus

in

**FEBRUARIUS.**

in eleemosynam contulisset, in fidei proposito constans, illius iussu uerberibus, atque omni supplicio excruciatas, demum, datis pro **CHRISTO** Domino ceruicibus, coronatur. eodem die, sanctarum martyrum, Marthæ, & Mariæ, germanarum sororum: quæ pietate simul ac uirginitate illustres, cum a prætoris ad colenda idolorum simulacra abduci nullo modo possent, eius iussu a militibus in cruce actæ, gladiisq; transfuerberatæ, duplicem palmam tulerunt. Cordubæ in Hispania, sancti Salomonis martyris. Viriduni, sancti Pauli Episcopi, & confessoris.

E.

*Quinto Idus Februarij. Luna.*

xiii.

13 29 10 21 3 13 24 6 16 27 8 19 1 11 22 4 14 25 7  
A b c d e f g h i k l m n o p q r s t

9 **A**lexandriæ, sanctæ Apolloniæ uirginis, & martyris. Hæc uirgo Alexandrina, ab idolorum impietate abhorrēs, cum **IESU CHRISTI**, ueri Dei cultum palam profiteretur, omnes ei dentes contusi, & conuulsi sunt. In quo fidei proposito constans, ob id cõprehensa, ut cõbureretur; cum paulisper, quasi deliberans, quid agendum esset, stetit, ex carnificum manibus elapsa, alacri uultu se in ignem paratum iniecit; unde confecto corpore, purissimus spiritus ad cœlestem martyrii palmam euolauit. Hoc ipso die, sancti Nicephori martyris: qui obscuro quidem loco natus, illustri martyrio, quod Valeriano, & Galieno Imperatoribus, pertulit, nobilitatus, coronatur. Sueui in Cypro insula, sanctorum, Ammonii, & Alexandri: item Sanctorum martyrum, Ammonis, & sociorum triginta octo. In Fontanellæ monasterio, Sancti Ansberti Episcopi & confessoris.

I. xi.

*Quarto Idus Februarij. Luna.*

11 22 3 14 25 6 17 28 9 20 1 12 23 4 15 27 18 29 1  
A b c d e f g h i k l m n o p q r s t

10 **R**omæ, Sanctorum martyrum, Irenæi, Zotici, Hiacynthi, & Amantii; qui in Deciana persecutione pro **CHRISTO** Domino

mino necati, coronantur. Romæ item, sanctorum decem militum  
 martyrum, eiusdem persecutionis cruciamentis, quæ fortiter ipsi  
 pertulerunt, illustrium. In Oriente, sanctæ Soteris virginis, & marty  
 ris, de qua octauo idus Februarii. Eodem die, sanctorum Charalumi  
 pi, Porphyrii, & sociorum martyrum. Is Christianæ religionis sacer  
 dos, Seuero Imperatore, cum Euangelium prædicaret, comprehen  
 sus a Luciano Præfecto, exiuitur sacra stola; deinde, detracta toto cor  
 pore pelle, ferreis pectinibus acerbissime laniatur. quo in facinore  
 Præfecti manus, mirabiliter statim auulsæ martyris prece sanata  
 sunt. eius rei admirabilitate perspecta, Porphyrius, & Dauctus,  
 carnifices, ac mulieres item tres, quæ præsentibus aderant, repudiato  
 falsorum deorum cultu, se se CHRISTO Domino adiunxerunt:  
 quos omnes ille, in impietate perseuerans, capite plecti iussit. In  
 monte Cassino, sanctæ Scholasticæ virginis. Hæc, sancti Benedicti so  
 ror, ab ineunte ætate in religionem Deo dicata, abiectionis huius sæcu  
 li curis, in ieiuniis, vigiliis, orationibus, rerumq; diuinarum contem  
 platione assidue versabatur. In admirandæ igitur pietatis, & religio  
 nis officiis diu exercitata virgo, magna sanctimoniam laude, obdormi  
 uit in Domino. Hoc ipso die, sancti Gulielmi confessoris. Is ciuis Pa  
 risiensis, in Christianæ pietatis studio atque exercitationibus a san  
 cto Bernardo eruditus, abiectione, & despicientia rerum humana  
 rum insignis, Romam venit: vnde, triplicem lorica, ob cruciatus  
 tolerantiam, indutus, Hierosolymam peregrinatus est: post in Hispa  
 niâ ad sacras beati Iacobi Apostoli reliquias venerandas profes  
 ctus, iterum Hierosolymam rediit: vbi a Saracenis captus, & religio  
 nis causa iniuriosus tractatus, demum diuina ope dimissus, in insu  
 lam, Hetruriæ proximâ, applicuit, vbi diu duriter victitauit: post, Ro  
 mam reuersus hinc centum cellas, inde postremo Parisios in patriam  
 uenit; multisq; exædificatis monasteriis, & rebus sancte gestis cla  
 rus, quieuit in Domino. In Campania, sancti Siluiani Episcopi, &  
 confessoris. Apud Sanctones, sancti Troiani Episcopi, & confesso  
 ris. In Pago Rothomagensi, sanctæ Eustrebertæ uirginis, quæ, bea  
 ti Ausberti Episcopi soror, omni religionis virtute floruit.

G Tertio

G.

*Tertio Idus Februarij.*

*Luna.*

20 2 12 23 5 15 26 8 18 29 10 21 3 13 24 6 16 27 9  
A b c d e f g h i k l m n o p q r f t

11 **I**N Africa, sanctorum martyrum Saturnini presbyteri, Datini, Felicis, Apuleii, & Sociorum: qui, Anolini Proconsulis iussu, uarie cruciati, Nerone Imperatore, preclari martyrii coronam acceperunt. Romæ sanctorum, Calocerii, & Parthemii, martyrum. In Africa itē, sanctorum, Victoris, Ianuarii, Zotici, Herenei, martyrum. Alexandria in Aegypto, sanctæ Euphrosynæ uirginis, cuius dies festus agitur calendis Ianuarii. Lugduni, sancti Desiderii, Episcopi, rerum diuinitus gestarum, laude clarissimi. In Castro Natoniensi, Sancti Seuerini Abbatis, & confessoris: qui Clodoueum regem, diu grauiterque ægotantem, præter cætera, quæ sancte ac diuine egit, mirabiliter oratione sanauit. Viennæ, sancti Simplidii Episcopi, & confessoris. Aruernis, Sancti Desiderati Episcopi, & confessoris.

A. x.

*Pridie Idus Februarij.*

*Luna.*

21 3 13 24 6 16 27 9 19 1 11 22 4 14 25 7 17 28 10  
A b c d e f g h i k l m n o p q r f t

12 **A**lexandriæ in Aegypto, Sanctæ Dionysæ martyris, & aliorum præterea multorum: qui, suscepto pro CHRISTI fide certamine, nullis acerbissimis tormentis, quibus uarie affecti sunt, a proposito deterriti, præclaro testimonio nobiles, in summa constantiq; dimicatione, Decio Imperatore, partim securi percussi, partim in flammis coniecti, ad premium sempiternum abeunt in cælum. Barcinonæ, Sactæ Eulixæ, uirginis, & martyris. Hæc in Diocletiani tyranni persecutione, pro CHRISTO, cui se dicarat, martyrio ultro se obiecit: quod gaudenti, fortique animo uirgo subiens,

biens, coronatur. Alexandria item, Sanctorum Ammonii, & Modesti: qui ambo infantes, martyrii palmam tulerunt. Apud Suefiones, sanctorum martyrum, Rufini, Valerii, & Sociorum. Hi, Maximiano Imperatore, præclari certaminis cursu confecto, cœlestem coronam affecuti sunt. Lugduni, sanctorum, Stephani Episcopi, Damiani, & Iuliani, martyrum. Antiochiæ, Sancti Meletii Episcopi: cuius uitæ Sanctitatem, & omnem uirtutem Chrysofomus una, & Gregorius Nyfenus altera concione complexus est. In Africa, sancti Damiani militis. Veronæ, sancti Gaudentii Episcopi, & confessoris. Brixia; Inuentio sanctorum martyrum, Valeriani, Valentini, & Saprutii: qui una cū Beatis, Iouita, & Faustino, martyribus, pro CHRISTI fide pugnantes, coronati sunt.

*Idibus Februarij. Luna.*

B.

22 4 14 25 7 27 28 10 20 2 12 23 5 15 26 8 18 29 11  
 A b c d e f g h i k l m n o p q r f t

**A**ntiochiæ, sancti Agabi Prophetæ: de quo in Apostolorum actibus Beatus Lucas Euangelista retulit. Romæ, Sancti Tranquillini presbyteri. Is Beati Sebastiani prædicatione CHRISTI fidem amplexus, a Polycarpo presbytero baptizatus, & ab Caio Pontifice presbyter factus, Diocletiano Imperatore, pro Christiana religione, cruciatus uarios perpeffus, demum lapidibus obrutus, martyrii coronam adeptus est. In Græcia, Sanctorum martyrum, Aquilæ, & Priscillæ. Hi coniuges, a Beato Apostolo Paulo, uerbo ueritatis instructi, tum baptizati, se ei comites, quocunq; proficisceretur, adiunxerunt: unaq; cum illo multa incōmoda, ac labores pro fide adierunt. post eius autem martyrium, cum hi nunquam a Christi prædicatione desisterent, ab idolorū cultoribus comprehensi, primū acerbè, crudeliterq; torti, deniq; capite præciso, palmam tulerunt. Rauennæ, Sactæ Fulcæ uirginis, & Mauræ nutricis, martyrum. Illa Syro patre nata, uiro nobili, quintum & decimum annum agens, Christianæ

G 2 stianæ

stianæ religionis amore inflammata, cum Maura ab Hermolao sacer-  
 dote, baptrismum suscepit. id ubi pater rescivit, nihil non egit,  
 vt a fide filia deficeret. quæ in proposito constantissima, primum  
 Quintiani Præfecti iussu, Decio Imperatore, verberibus affecta,  
 tum in teterrimum coniecta carcerem, demum, gladio in latus infi-  
 xo, confossa, ad æternum præmium migravit in cælum. Maura item,  
 & cruciamentis, & carceris squallore pœne confecta, virginis illius  
 corpori mortuo, quod assidue amplexabatur, illacrymans, rogata  
 carnificem, vt se eadem ratione gladio confoderet, eam insegura  
 est. Earum corpora à Christianis nautis noctu, ad Sabratam, Tri-  
 politanæ prouinciæ urbem, asportata, nobili sepulcro condita sunt.  
 multis deinde post annis ad eam urbem, diuino afflatus spiritu, Vi-  
 talis, ciuis Venetus, nauigans, ad Torcellum Venetiarum insu-  
 lam ea inuexit: vbi religiose, pieque coluntur. Melitenæ in Arme-  
 nia, sancti Polyucti martyris. Is in Deciana persecutione, datis  
 pro CHRISTO ceruicibus, coronatur. Lugduni, sancti Iuliani  
 martyris: cuius fortiter & religiose facta, ecclesiasticis annali-  
 bus consignata sunt. Romæ, sancti Gregorii secundi, Pontificis.  
 Hic, rei ecclesiasticæ defensor acerrimus, Leonem Imperato-  
 rem, sacrarum imaginum oppugnatorem, Romæ, Italiæque ue-  
 ctigalibus mulctauit; anathemate publice in Synodo obstrinxit:  
 eundemque missa epistola decretali monuit, non esse Imperato-  
 ris, de fide, antiquisque ecclesiæ legibus statuere. Germaniam  
 idem Bonifacii Episcopi, sanctissimi viri, opera vsus, Christiani-  
 næ religionis sacris imbuit. Iis atque aliis recte pieque factis,  
 & sanctimonia in primis clarus, cum quattuordecim annis eccle-  
 siæ Dei præfuisset, multis meritis cumulatus, ad præmium abiit  
 in cælum. Reate, sancti Stephani Abbatis, & confessoris. Herbi-  
 poli, sancti Kiliani Episcopi, & martyris. Is e Scotia in Galliam pro-  
 fectus, Pipino Rege, magnam hominum multitudinem in vera  
 CHRISTI doctrina instituit. inde in interioré Germaniam, summo-  
 rum Pontificū Benedicti Secundi, & Cononis hortatu, Herbipolim  
 venit: vbi disseminato Euāgelio, omnia ad matris Ecclesiæ Romane  
 auctoritatē referre studuit. id cū uir Dei sancte religioseq; ageret,  
 ab impiis satellitibus, Geyselæ principis iussu, cū aliis, eo loci Chri-  
 stianam



stianam fidem propagantibus, necatus, in sanctorum martyrum numerum relatus est. Andegavi, sancti Lucinii Episcopi. Lugduni item, sancti Stephani Episcopi, & cōfessoris. In finibus Treuironum, ad Confluentiam, Sancti Castoris confessoris: cuius res admirandæ, & diuinitus gestæ leguntur.

## Sextodecimo calendas Martij. Luna.

C.  
xviii.

23 5 15 26 8 18 29 11 21 3 13 24 6 16 27 9 19 1 12  
A b c d e f g h i k l m n o p q r s t

**R**omæ, via Flaminia, Sancti Valentini presbyteri, & martyris. 14  
Is, Claudio Cæsare, Christianæ fidei accusatus, in vincula conicitur: vbi, explosa gentium impietate, verum CHRISTI cultum defendit: a quo cum abduci nullo modo posset, securi percussus, palmam tulit. Romæ præterea, Sanctorum martyrum, Vitalis, Feliculæ, & Zenonis. Romæ item, Sancti Valentini Episcopi, & martyris. Hic, Interamnatium Episcopus, in vrbe cum esset, Senato Cheremone, Cratonis Philosophi filio, eoq; & tribus aliis illius discipulis, ad fidem conuersis, & rebus mirabiliter, diuineque in vrbe gestis, cum multi propterea se ab idolorum cultu abducerent, a Placido præfecto in custodiam traditus; post, diu verberibus cæsus, demum intempesta nocte, capite præciso, martyrii coronam accepit. Rauennæ, Sancti Eleocardi Episcopi. Is summus Philosophus, a beato Apollinare sacris initiatus, CHRISTI fidem, quam ante infense oppugnarat, acerrime defendit, libris pie, ac docte conscriptis. Rauennatum autem Episcopus, e cælo demissa columba, declaratus, summa pietate pastorale munus gessit: & virtutibus omnibus vsque adeo floruit, vt in terris vitam cœlestem imitaretur. doctrinæ igitur, ac pie factorum laude clarissimus, migravit ad Dominum. Alexandriae Sanctorum martyrum, Bassi, Antonii, & Protolici: qui pro CHRISTO IESU contumelias, cruciatusq; fortiter perpassi, postremo in mare proiecti, coronantur. Sanctorum præterea, Cyrionis presbyteri, Moyses, Bassiani, Agathonis:

**FEBRUARIUS.**

nis: qui omnes in flammam positi constanter martyrii cursum confecerunt. Beatorum item martyrum Dionysii & Ammonii: quibus in maxima fidei constantia, ceruices abscissæ sunt. Placetiæ, Sancti Sabini Episcopi, & confessoris: qui concilio Aquiliensi interfuit; rerumque mirabiliter, ac diuine gestarum, gloria præluces, quicuit in Domino.

**D.**  
**vii.** *Quintodecimo calendas Martij. Luna.*

24 6 16 27 9 19 1 11 21 4 14 25 7 17 28 10 20 1 13  
A b c d e f g h i k l m n o p q r s t

15 **B**rixia, Sanctorum Iouitæ, & Faustini martyrum. Ii municipes Brixenses, in multis Italiae urbibus, quo Adriani Cæsaris iusso uincti ducebantur, varie excruciat, cum de pietatis Christianæ gradu nullis uexationibus deiici possent, Brixiam denique reducuntur, ubi securi percussi, martyrio coronantur. Romæ, Sancti Cratonis martyris. Hic cum filium a beato Valentino, Interamnæ Episcopo, sanatum uidisset, fidei rudimentis ab eodem instructus, & baptizatus, paucis post diebus una cum vxore, & uniuersa familia, capitis damnatus, martyrium constanter, ac fortiter subiit. Mediolani, Sancti Fausti martyris: qui Marco Aurelio Imperatore, pro CHRISTO Iesus u dimicans, præclarum fidei, Christianæque uirtutis testimonium dedit. Antiochiæ, Sanctorum martyrum, Ioseph, Ioanis, & Victoris: Vafione in Gallia, Sancti Quinidii Episcopi: cuius uita, sancte acta, & mors in conspectu Domini prætiosa, multis rebus admirandis nobilitata est. Hoc ipso die, Sancti Maioris martyris. Hic, Diocletiano, & Maximiano, Imperatoribus, Christianæ fidei nomine Gazæ comprehensus, spretis idolis, cum in custodia liberius CHRISTI religionem profiteretur, ira accensum Cæsares, a triginta sex militibus, sibi iniunctis succedentibus, illum, humi extentum, uerberibus cedi iubent. Quibus cruciamentis ita grauitur, Dei martyr affectus, ut in eo hominis imaginem uix agnosceres, semiuuius iterum in carcerem detruditur: unde septem post diebus rursus educatus, aliis etiã suppliciis, se de excruciat, demum, cum a proposito dimoueri non posset, securi

tūri percussus, palmam martyrii tulit. Interamnæ, Sanctæ Agapis  
 uirginis. Apud Cassinum Sancti item Fausti monachi. Is ut sanctif-  
 fimi Abbatis Benedicti discipulus fuit; sic eximia illius imitatione  
 clarus. Vexione, in Dacia, Sancti Sigifridi Episcopi. Hic ab impieta-  
 te ad uerum Dei cultum Suetiam auocauit; cæteraque diuine ges-  
 fit, ob quæ in cælis sempiterno perfruitur præmio. Herdfordiæ, Sã-  
 cti Thomæ Episcopi: cuius uitæ sanctimonia, & rebus diuinitus ges-  
 stis, plane cognitæ, Ioannes Vigessimus secundus, Pontifex Ma-  
 ximus, in sanctis eum rite adscripsit. Viennæ in Austria, Sancti Leo-  
 poldi: qui uitæ religiose, ac temperanter actæ, & rerum admiran-  
 darum gloria florentissimus, ac uirtutum Christianarum meritis  
 cumulatus, in Sanctorum numerum a Pontifice Maximo Innocen-  
 tio Octauo relatus est. Patauii, Translatio Sancti Antonii con-  
 fessoris.

*Decimo quarto calendas Martij. Luna.*

E

25 7 17 28 10 20 2 13 23 5 15 26 8 18 29 11 21 3 14  
 A b c d e f g h i k l m n o p q r s t

**S**ancti Onesimi martyris. Qui beati Apostoli Pauli discipulus, 16  
 post illius martyrium, Tertilli urbis præfecti iussu comprehen-  
 sus, Puteolos ducitur: ubi grauissime cæsus, cum a fide desciscere  
 nollet, immo uero liberius, & constantius Christum Deum prædi-  
 caret, contusis cruribus, & brachiis, sanguinem pro illius nomi-  
 ne profudit. Cæsareæ, Sanctorum martyrum, Eliæ, Hieremiæ,  
 Samuelis, Pamphili, Valentis, & aliorum complurium. Ii nul-  
 la patriæ, aut studiorum coniunctione, sed Christiana pietate  
 deuincti, ubi ad illam urbem uenerunt, a custodibus eorum ui-  
 tæ genus rogati, se Christianos esse libere professi sunt. quamo-  
 brè in vincula coniecti, Firmiliani prætoris iussu, primum uarie tor-  
 ti, cum omnè cruciamentorum uim fortiter superassent, demum se-  
 cuti percussi, illustrem martyrii coronâ adepti sunt. Eodem die san-  
 ctorum

ctorum item, Porphyrii, Iuliani, & Theodoli martyrum. Ex iis Porphyrius, Pamphilus feruus, cum hari sui reliquias quæreret, ut sepulcro inferret, Iulianus cum beatorum martyrum corpora oscularetur unus, & item alter Christianus cognitus est. itaque in uincula uterque coniectus, denique in ignem positus, coronatur. Theodolus autem primo quia præ sancti cætus desiderio lugeret, est uariis affectus suppliciis, deinde, quoniam constanti in fide uoluntate perseueraret, in crucem actus, magnis affigitur clauis, ubi precibus, & gratiarum actione spiritum Deo reddidit. Nicomediæ, sanctæ Iulianæ uirginis, & martyris: quæ a patre Africano primum cruciata, deinde ab Elusio præfecto, cui nubere recusat, Diocletiano Imperatore, uirgis cæsa, post capillis suspensa, plumboque liquefacto, capite perfusa, tum in carcerem detrusa, postremo olla feruente, igni, aliisque superatis tormentis, securi percussa, duplicatam uirginitatis, & martyrii coronam adepta est. In Aegypto, sanctorum, Iuliani Episcopi, Ioannis diaconi, & aliorum quinque millium martyrum. Brixia, sancti Faustini Episcopi, & confessoris. Hic in beatorum martyrum, Faustini, & Iouitæ, familia natus, uir singulari pietate, Vrsicino, illius urbis Episcopo, succedens, & sacris concionibus, & uitæ exemplis in Brixienfium animis ardentem amorem excitauit Christianarum uirtutum. Metis, sancti Simeonis Episcopi, & confessoris.

F. xv.

*Decimotertio Calendas Martij. Luna.*

26 8 18 29 11 21 3 14 24 6 16 27 9 19 1 12 22 4 13  
A b c d e f g h i k l m n o p q r s t

17 **B**abyloniæ, sancti Polichronii Episcopi, & martyris, qui, in Deciana persecutione, ore lapidibus confracto, manibus extentis, oculis in cælum coniectis, animam Deo reddidit. In oppido Concordia, sanctorum martyrum, Donati, Secundiani, Romuli, aliorumque sex, & octuaginta. Amasæ, sancti Theodori martyris: qui ab adolescentia stipendia faciens, cum aliquando audisset, in Armeniæ finibus, ubi natus erat, complures pro CHRISTO martyrium fortiter

titer subire, eo ire cōtendit, prouinciæque præfectum primo adiit: apud quem se christianum esse libere professus, multis uerberibus cœditur: deinde iussus certum ad deliberandum tempus sumere, noctu idolorum templum inflammauit. quare ille uehemēter commotus, in eiusdem templi busto martyrem, in fidei confessione constantius perseuerantem, exuri imperauit: In Gallia, Sancti Seuerini Abbatis, & confessoris. In Scotia, Sancti Fintani presbyteri & confessoris, singulari pietate, & magna uirtute clari. In Pago Teruanensi, Sancti Siluini, Episcopi Tolosæ urbis: cuius pie sancteque facta leguntur. In Claromonte, Translatio Sancti Lupiani confessoris.

*Duodecimo Calendas Martij. Luna.*

G.  
iiii.

27 9 19 1 12 14 4 15 25 7 17 28 10 20 2 13 23 5 16  
A B C D E F G H I K L M N O P Q R S T

**H**ierosolymæ, Sancti Simeonis Episcopi, & martyris. Hic secundus illius urbis Episcopus, annos cētum & uiginti natus, Traiano Imperatore, pro CHRISTI gloria in crucem actus est. Ostia, Sanctorum martyrum, Maximi, Claudii, Primi, & Præpedignæ cum duobus liberis. qui omnes, Diocletiani Cæsaris iusso, in exilium pulsati, tum demum in fidei confessione combusti, coronantur. Smyrnæ, Sancti Germanici martyris: qui, Antonino Vero Imperatore, in ipso ætatis flore, eximia & singulari animi constantia terrimam mortem pertulit pro CHRISTO Domino, ut Smyrnenfis Ecclesiæ literis proditum est. In Africa, Sanctorum, Lucii, Siluani, Rutuli Clericorum, & Maximi Monachi: qui in persecutione Vandalica crudelissime cruciati, & tormenta, & necem pro fide fortiter subierunt. Brixia, Sancti Epimenei presbyteri, & martyris.

H Vnde

FEBRUARIUS.

A. *Vndecimo Calendas Martij. Luna.*

28 10 10 2 13 23 5 16 26 8 18 29 11 21 3 14 24 6 17  
A b c d e f g h i k l m n o p q r s t

19] **R** Omæ, Sãcti Gabinii presbyteri, & martyris. Hic, Diocletiano Imperatore, in uinculis diu cruciatus, pretiosa morte sibi celi gaudia comparauit. Hierosolymæ, Sancti Zambdę Episcopi: a quo Thebæi milites, nobiles martyres, baptismum susceperunt. In Græcia, Sanctorum martyrum, Maximi, & Theodoti. Ii orbem terrarum peragrando, cum idolorum cultum Euangelii prædicatione palam reprehenderêt, in custodiam traduntur: inde modo huc, modo illuc educți, nulla suppliciorum acerbitate a constanti, fidei proposito auocari possunt. ferreis igitur unguis excarnificati, moxque in rogam ardentem coniecti, canticis, atque hymnis animam Deo reddunt. In Africa Sanctorum, Publii, Iuliani, Marcelli, Tulli, & Iulii: qui confessionis certamine confecto, ad coronam migrarunt in cœlum. Constantinopoli, Sancti Eucharri patriarchæ. Beneuenti, Sancti Barbatı Episcopi, & confessoris. Mediolani, Sancti Mansueti, Episcopi: cuius cum in omni actione eluxit pietas, tum in Synodo œcumenica Sexta Cõstantinopolitana, cui interfuit. Apud Treuiros, Sancti Leguntii episcopi, & confessoris.

B. *Decimo Calendas Martij. Luna.*

xii.

29 11 21 3 14 24 6 17 27 9 19 1 12 22 4 15 25 7 18  
A b c d e f g h i k l m n o p q r s t

20] **T** Yri in Phœnicia, Sanctorum innumerabilium martyrum: qui Diocletiani Cæsaris iusso, a Veturio, militum magistro, uariis teterrimisque cruciatibus affecti, tum bestiis obiecti, a quibus diuinitus

inuitus integri seruari sunt. partim ferro, partim flammis, partim inedia confecti, in fidei cōfessione egregio martyrio coronati sunt. Quorum martyrum duces extiterunt, Tyrānius, & Siluanus, qui bestiarum moribus dilaniati sunt; Peleus itē, & Nilus Episcopi, hiq; combusti; Zenobius etiam presbyter, securi percussus. Romæ, Sanctorum martyrum, Gaii, Victoris, & Pantamiæ. In Perside, Sancti Sadochi, & aliorum cētum uiginti octo martyrum. Ille Episcopus prædicatione cum ab impietatis erroribus ad CHRISTI cultum multos perduceret, inuidiam sibi concitauit Magorum, ignem colentium: qui illo ipso tempore, quo Sanctus hic per quietem uidit, beatum Simeonē martyrē, summis insidentem scalis, se hortari, ne ad regem regū cessaret uenire, catenas illi, & iis, qui cum eo erant, Christianis iniiciunt, & in carcerem illos includunt, quoad cognitione sibi a Sapore rege data, eductos, grauiissimeque tortos omnes, abscissis cēruicibus, necarunt. In Cypro insula, Sanctorum, Pothamii, & Nemefi, martyrum. Catanæ in Sicilia, Sancti Leonis Episcopi, & confessoris, uitæ innocentia, religione, sacrarum litterarum doctrina, & rerum diuine, mirabiliterque gestarum, laude clarissimi. Tornaci in Gallia, Sancti Eleutherii Episcopi: qui uirtutibus, prædicatione, & miraculis ita floruit, ut Tornacensium animos ad pie religioseque agendum conuerterit. Aureliæ, Sancti Eucherii Episcopi: cuius & religiose facta, & res admirandæ, quas multas, iuuante Deo, gessit, sempiternæ memoriæ commēdatæ præclaro sanctimoniae exemplo commemorantur. In Germania, Sancti Galli presbyteri, & confessoris.

*Nono Calendas Martij. Luna.*

C. c.

1 12 22 4 15 25 7 18 28 10 20 2 13 23 5 16 26 8 19  
 A b c d e f g h i k l m n o p q r s t

**R**omæ, Sancti Hilarii Pontificis: qui in extruendis Ecclesiis, iisque ornâdis, eleemosinisq; cōferendis, & pōtificia sanctitate mirifice præluxit. Sancti item Symmachi Pontificis. Hic in pontificatu

21

H 2 ficatu

ficatu recte gerendo summa vigilantia, pontificali que charitatis exemplo, Episcopis ducentis, & uiginti, fidei causa in Sardiniam ab Trafimundo, Vandalorum Rege, relegatis, quotidiana suppeditauit alimenta. in Missæ autem sacro, diebus festis, Hymnum Gloria in excelsis, cani iussit. In Sicilia; sanctorum martyrum septuaginta nouem. Ii, Diocletiano Imperatore, in cruciatum dati, inauditis suppliciis affecti confessionis, quam summa constantia adhibuerunt, palmam, sibi a CHRISTO Domino paratam, acceperunt. Adrumenti in Africa, sanctorum, Veruli Secundini, Seruuli, & aliorum uiginti: qui, in Vandalica persecutione, corona insigniter donati sunt. In Græcia, sancti Agathonis Pontificis. Is parentum cura omnibus sacræ scripturæ litteris studiose admodum eruditus eum pietatis fructum tulit, ut illis mortuis, statim congestas unum in locum facultates die uno pauperibus distribuerit. deinde monachalis uitæ disciplinam amplexus, totum diuino cultui se dedit: dies noctesque cum in oratione & precibus esset, Dei munere & gratia id factum est, ut miracula multa ederet, unde Thaumaturgi nomen accepit. Postea Summus Pontifex creatus, re Ecclesiastica publica optime administrata, singulare castissimæ religionis, sanctimonix, & admirandæ sollicitudinis exemplum reliquit. Metis, Sancti Felicis Episcopi, & confessoris: qui annis quadraginta, & mensibus sex, cum Ecclesiam Metensem ad Dei uoluntatem uigilanter administrasset, sanctarum uigiliarum, Episcopaliūq; uirtutum, ac diuinarum rerum, quas religiose gessit, laude florens, quieuit in Domino. Mediolani, Apparitio Sancti Ambrosii ad uicum Parabiacum. Brixix, Sancti Paterii Episcopi, & confessoris.

D

*Octauo Calendas Martij. Luna.*

1 13 23 5 16 26 8 19 29 11 21 3 14 24 6 17 27 9 20  
 A b c d e f g h i k l m n o p q r s t

22

**A**ntiochiæ, Cathedra Sancti Petri Apostoli; qui, e uinculis liberatus, cum Theophili præfecti filium mortuum ad uitam reuo-



reuoasset, Ecclesie Antiochenae septem annis praefuit, pulso Simo-  
ne mago. Romae, via Tiburtina, Sanctae Concordiae martyris, Decio  
Imperatore, Ecclesiam Dei oppugnante. Salaminae in Cypro, San-  
cti Aristonis: qui vnus fuit de duobus & septuaginta CHRISTI  
Domini discipulis. Hierapoli, Sancti Papiæ Episcopi. Is Asianus,  
beati Ioannis auditor, Apostolorum discipulus, diui Polycarpi fa-  
miliaris, Hierapolitanorum Episcopus consecratus, multos annos  
illi Ecclesie summa cum laude praefuit: Sacrae eruditionis, & Sancti-  
tatis laude clarus, quieuit in Domino. In Africa, Sanctorum marty-  
rum, Victorini, Palatini, Pauli, Donati, Fortunae, & aliorum viginti  
nouem. Alexandriae, Sancti Abilii Episcopi. Hic in Aniani, qui bea-  
to Marco Euangelistae successit, locum factus Episcopus, ecclesia  
Alexandrina tredecim annis religiose administrata, praclaris me-  
ritis cumulatus, abiit in caelum. Viennae, Sancti Paschasi, Episcopi,  
& confessoris, admiranda pietate viri.

Septimo Calendas Martij.

Luna.

E. ix.

3 14 24 6 17 27 9 20 1 12 22 4 15 25 7 18 28 10 21

A b c d e f g h i k l m n o p q r s t

**V**igilia, beati **Matthiae Apostoli**. Romae, sancti Polycarpi pres-  
byteri, qui una cum beato Sebastiano quam plurimos ab im-  
pietatis erroribus ad fidem perduxit, atque martyrii gloriam singu-  
lari religiosi animi incitatione, constantiq; cohortatione accendit.  
In Pannoniis, sanctorum martyrum, Seroneti, Antigoni, Rutuli, & Li-  
bi. In Palestina, sancti Sereni Abbatis: cuius res admirandae, & uirtu-  
tum exempla, ad omnem sanctimoniae laudem insignia, sempiternae  
memoriae tradita sunt. Sirmii, sancti Syreni monachi, & martyris:  
cui, Maximiano Imperatore, in fidei Christianae confessione caput  
abscissum est. Eo ipso praeterea loco, sanctorum sexaginta duorum alio-  
rum martyrum: qui caelesti praesidio, diuinaque constantia ad omne  
cruciatum perferendum communiti, insigniter coronati sunt. In  
Graecia, sancti Polycarpi Episcopi, cuius dies natalis agitur septimo  
calen-

## FEBRUARIUS.

calendas february. In urbe Ecchatana, sancti Docithei Monachi, & confessoris, qui nullis sacrarum rerum doctrinis eruditus, breui ad perfectionem progressus, pro uitæ religiosæ meritis præmium cœlestite accepit. In Pannonia, sancti Gerardi Episcopi, & aliorum præterea martyrum: qui a nefariis fidei hostibus pro CHRISTI nomine foede necati, æterna perfruuntur gloria. Brixia, sancti Felicis Episcopi, & confessoris. In Anglia sanctæ Milburgis uirginis. Aruernis, sancti Syreni, qui egregio martyrio coronatus est. Treuiris, Inuētio Sancti Celsi, Episcopi, & confessoris.

F. *Sexto Calendas Martij. Luna.*

*Si dies intercalaris, incidit iteratur Martyrologium, quod pronuntiatur pridie huius diei.*

4 15 25 7 18 28 10 21 2 13 23 5 16 26 8 19 29 11 21  
A b c d e f g h i k l m n o p q r s t

24 **S**ancti *Matthiæ Apostoli.* Hic post CHRISTI Domini ascensum ad cœlos, ab Apostolis in Iudæa locum suffectus, primum in Macedonia prouincia, deinde in Iudæa Euāgelium prædicauit; ubi a Iudæis, lapidibus cæsus, demum securi percussus est. In Africa, sanctorum martyrum, Mōtani, Lucii, Iuliani, Victoris, Flauiani, & reliquorum sociorum: quorum præclara pro fide certamina, gaudēti animo suscepta, ac mirabiliter confecta, leguntur. In Græcia, Sancti Rhegini episcopi, & martyris. Hic, e parentibus Christianis natus, ab incēte ætate tum pietate, tum sacris excultus litteris, Episcopus factus, in illo munere obeundo, eam sibi uirtutum famam collegit, ut ad Synodum Sardicensē uocatus, hereses omnes dicendo retuderit. Excitata autem non multo post in Catholicos persecutione, comprehensus, cruciatibus uarie affectus, demum abscissis ceruicibus, martyrii præmium tulit. Cæsareæ in Cappadocia, sancti Sergii martyris: cuius tum admirabilis ob CHRISTVM dimicatio extitit, tū alia

alia diuine facta narrantur. Rothomagi, sancti Prætextati Episcopi, & martyris. Hierosolymæ, Inuētio capitis sancti Ioannis Baptistæ: quod, Martiano Imperatore, duobus monachis mirabiliter patefactum, & repertum est. Mediolani, sancti Honorati Episcopi. Is nobilis eximia uirtute uir, rerū, quas constanti Christianæ religionis exercitatione gessit, gloria clarus, obiit in Domino. In Anglia, sancti Ethelberti Regis, confessoris: qui beati Augustini, ab Gregorio Pōtifice ad eam insulam missi, prædicatione fidem complexus, Ecclesias Deo exædificauit: religionisq; Christianæ amplificandæ studio deditus, cum multa pie sancteque egerit, ad præmium abiit in cælū. In Scotia, sancti Berecti monachi, & confessoris: qui profuit & uitæ sanctissimæ exemplo, & prædicatione.

Quinto calendas Martij. Luna.

G.  
xvii.

5 16 26 8 19 29 11 22 3 14 24 6 17 27 9 20 1 12 23  
A b c d e f g h i k l m n o p q r s t

**I**N Africa, sanctorum martyrum, Donati, Iusti, Rotuli, Heronæ, Pionis, Nestoris, Castæ, & aliorum quinquaginta: qui ut Christianæ fidei religione, sic in perferendis cruciatibus inuicto animo coniunctissimi, egregii certaminis cursu confecto, ad palmam perueniunt. In Thracia, sancti Alexandri martyris. Hic, ciuis Puteolanus, Maximiano Imperatore, idolorum cultū libere detestatus, pro constanti CHRISTI IESU confessione, primum, appensis ad pedes saxi, diu tortus, deinde in equuleum actus, tum accensis facibus semiustulatus; demum, capite præciso, coronam adeptus est. Diospoli in Aegypto, sanctorum martyrum, Victorini, Victoris, Nicephori, Claudiani, Dioscori, Serapionis, & Papiæ, ex quibus Victorinus in caueam, e quercu confectam, undique perforatam inclusus, & per singula foramina cultris uulneratus, capite cum extaret, securi percussus est. Victor hoc idem pertulit. Nicephorus sponte caueam ingressus, inde eductus, & in craticula assus, denique contrucidatus est. Claudianus, & Dioscorus combu-

FEBRUARIUS.

combusti: Serapio, & Papias capitis damnati, omnes, Numeriano Imperatore, & Sabino præfecto, illustre martyrium subierunt. Carthagine, sancti Victorii martyris. Hoc ipso die, sanctorum, Nestoris & trium germanorum fratrum: qui, Iuliano Christianæ pietatis, & uirtutis aduersario, pro CHRISTO foriter dimicando, coronantur. In Græcia, sancti Tharassii Episcopi, & confessoris. Herbipoli, Sancti Burardi Episcopi: qui, ea Ecclesia quadraginta annis pie religioseque administrata, sanctimoniam & miraculorum gloria, clarus, obdormiuit in Domino. Agrigenti in Sicilia, Sancti Gerlandi Episcopi, & confessoris. Mediolani, sancti Gotardi Episcopi, & confessoris. In Gallia, sancti Fursei monachi.

A. vi.

Quarto Calendas Martij. Luna.

6 17 27 9 20 1 12 23 24 15 25 7 18 28 10 21 2 13 24

A b c d e f g h i k l m n o p q r s t

26 **R**ome, sanctorum martyrum, Fortunati presbyteri, Felicis, Theonii, & aliorum sex & uiginti. Pergæ, in Pamphilia, sancti Nestoris martyris: qui Decio Imperatore, nominis populique Christiani infensissimo hoste, CHRISTI fidem libere confessus, Pollio nis præfecti iusso, equuleo tortus, tum in crucem actus, summa confessionis constantia, migravit in cælum. Alexandria, sancti Alexandri Episcopi; cuius incredibilis religiosi animi uirtus in tuenda fide Catholica, & sanctitatis splendor in omni actione maximus, eluxit. Gaze in Palestina, sancti Porphyrii, Episcopi, qui Ecclesiam Gazensem magna Christianarum uirtutum exercitatione cum circiter quinque & uiginti annis pie gessisset, certamine quod contra idolorum cultores ab initio susceperat, præclare confecto, uita sanctissime acta, rebusque plurimis religiose, & mirabiliter gestis, quieuit in Domino. Niuernis, sancti Agricolai Episcopi, & confessoris. Verone sancti Seruuli Episcopi. In finibus Archiacensium, sancti Victoris confessoris: de quo sanctus Bernardus duos habuit sermones.

Tertio

*Tertio Calendas Martij. Luna.*

B.

7 18 28 10 21 2 13 24 5 16 26 8 19 29 11 22 3 14 25  
 A b c d e f g h i k l m n o p q r s t

**R**omæ, Sanctorū Alexandri, Abundiani, Antigoni, & Fortunati, martyru: qui, Diocletiano fidei aduersario, dimicationibus constantè susceptis, coronantur. Alexandria in Aegypto, Sancti Iuliani martyris. Hic podagræ morbo affectus, cum neque stare, neque incedere posset, una cum Etno seruo ad iudicem, sella delatus est: cuius iussu uterque camelis impositus, & per urbem ductus, uerberibus cæditur, quoad unus, & item alter animam reddidit Domino, pro cuius gloria cruciatum pertulit. In Africa, Sancti Dionysii & aliorum uiginti quatuor martyrum. Hispali in Hispania, Sancti Leãdri Episcopi, & confessoris: cuius prædicationibus, & uirtute gens Gothorum uniuersa ab Ariana impietate ad Ecclesiæ fidem se contulit. Lugduni, Sancti Baldomeris, uiri Dei, cuius sepulcrum crebris miraculis illustratur.

27

*Prædie Calendas Martij. Luna.*

C.

xiiii.

8 19 29 11 22 3 14 25 6 17 27 9 20 1 12 23 4 15 26  
 A b c d e f g h i k l m n o p q r s t

**R**omæ, Sanctorū martyrum, Celerii, Pupili, Claudiani, Iusti, Marcarii, Nicephori: qui in persecutione Diocletiniana, post dimicationes, & uitæ cruciatus uarios, demū insigniter coronati sunt. Eodem die, Sanctæ Salbinæ martyris. Hæc uirgo Romana, in uirginalis uitæ instituto, & amore CHRISTI diuinitus confirmata, pro CHRISTI sponsi gloria martyrii corona insigniter decoratur. Alexandria, beatorum martyrum, Cærealis, Caii, & Serapionis. Lugduni, Sancti Romani Abbatis: qui primus in solitudine eo loco uitam degit: multisq; uirtutibus, & miraculis clarus, pater extitit quam

28

I pluri-

plurimorum monachorum. Hoc ipso die, Sancti Lupicini Abbatis, & confessoris. Is præter ceteras Christianæ religionis uirtutes, admiranda abstinencia fuit. Veronæ, Sancti Vindemialis Episcopi, & confessoris. Papiæ, Translatio Sancti Augustini Episcopi: cum sacrum eius corpus ex urbe Hippone, iam pridem uastata ac direpta per barbaros Africa, in Sardiniam primo asportatum, inde post, Luithprando Rege procurante, Papiam pie translatum, nobili loco ibidem religiose reconditur.

D.  
iii.

Calendis Martij. Luna.

9 20 1 12 23 4 15 26 7 18 28 10 21 2 13 24 5 16 27  
A b c d e f g h i k l m n o p q r s t

Die. **R** Omæ, Sanctorum martyrum, Ducentorum, & sexaginta: qui  
1. **R** Claudio Imperatore, religionis Christianæ accusati, primo arenam fodere iussi, post uia salaria in locum quendam inclusi, militum telis necati, migrauerunt ad Dominum. Massiliæ, Sanctorum Hermetis, Leonis, & Adriani, martyrum. Ii, Diocletiano, & Maximiano, Imperatoribus coronati sunt. Carthagine, Sancti Donati martyris: qui Ursatio duce & Marcellino tribuno, in CHRISTI confessione constans, palmam tulit. Cæsareæ in Palestina, Sanctorum, Marini, & Asterii martyrum. Fuit Marinus, genere illustris, opibus abundans, & Christianæ fidei colens. quo nomine accusatus ob præclarum testimonium, quod CHRISTO redemptori dedit, capitis damnatus, premium cæleste accepit. Asterius autem, Patricius Romanus, nobilitate, ac diuitiis florens, cum illius martyrio interesset, pro Christiana pietate, cuius studio exardescerat, eius corpus humeris suis, & substrata ueste, qua induebatur, excepit; & honorem, quem martyri CHRISTI tribuit, continuo ipse martyr consequitur. Calagurii in Hispania, Sanctorum martyrum, Hemiterii, & Chelidonii: quorum præclarum certamen, sempiternæ gloriæ consecratum, singulari hymno a Prudentio celebratur. In Græcia, Sanctæ Eudociæ martyris. Andegau, Sancti Albini Episcopi, &  
con-

stianam fidem propagantibus, necatus, in sanctorum martyrum numerum relatus est. Andegavi, sancti Lucinii Episcopi. Lugduni item, sancti Stephani Episcopi, & cōfessoris. In finibus Treuironum, ad Confluentiam, Sancti Castoris confessoris: cuius res admirandæ, & diuinitus gestæ leguntur.

## Sextodecimo calendas Martij. Luna.

C.  
xviii.

23 5 15 26 8 18 29 11 21 3 13 24 6 16 27 9 19 1 12  
A b c d e f g h i k l m n o p q r s t

**R**omæ, via Flaminia, Sancti Valentini presbyteri, & martyris. 14  
Is, Claudio Cæsare, Christianæ fidei accusatus, in vincula conicitur: vbi, explosa gentium impietate, verum CHRISTI cultum defendit: a quo cum abduci nullo modo posset, securi percussus, palmam tulit. Romæ præterea, Sanctorum martyrum, Vitalis, Feliculæ, & Zenonis. Romæ item, Sancti Valentini Episcopi, & martyris. Hic, Interamnatium Episcopus, in vrbe cum esset, Senato Cheremone, Cratonis Philosophi filio, eoq; & tribus aliis illius discipulis, ad fidem conuersis, & rebus mirabiliter, diuineque in vrbe gestis, cum multi propterea se ab idolorum cultu abducerent, a Placido præfecto in custodiam traditus; post, diu verberibus cæsus, demum intempesta nocte, capite præciso, martyrii coronam accepit. Rauennæ, Sancti Eleocardi Episcopi. Is summus Philosophus, a beato Apollinare sacris initiatus, CHRISTI fidem, quam ante infense oppugnarat, acerrime defendit, libris pie, ac docte conscriptis. Rauennatum autem Episcopus, e cælo demissa columba, declaratus, summa pietate pastorale munus gessit: & virtutibus omnibus vsque adeo floruit, vt in terris vitam cœlestem imitaretur. doctrinæ igitur, ac pie factorum laude clarissimus, migravit ad Dominum. Alexandriae Sanctorum martyrum, Bassi, Antonii, & Protolici: qui pro CHRISTO IESU contumelias, cruciatusq; fortiter perpeffi, postremo in mare proiecti, coronantur. Sanctorum præterea, Cyrionis presbyteri, Moyses, Bassiani, Agathonis: